

Τῇ Τρίτῃ τὸ γεφύρι'.

Σὴ γέφυραν, σὴ γέφυραν, ἔλα δάφνε πόταμε μ',
σὴ Τρίτῃ τὸ γεφύρι, ἔ δάφνε μ' καὶ μυριγμένε μ',
χέλιοι μαστόροι ἔχτιζαν, ἔλα δάφνε κλπ.....
καὶ μύριοι μαθητάδες, ἔ δαφνέ μ' κλπ.....
Ὅλεν ἡμέραν ἔχτιζαν, ἔλα κλπ.....
κι' ἀπὸ βραδύς χαλάουτον, ἔ δαφνέ μ' κλπ.
Ἡτό δεῖς με πρωτομάστορα, ἔλα κλπ.....
νὰ στένω τὸ γεφύρι σ', ἔ δάφνε μ' κλπ.
"Ἄν δῶς σε τὸν κύρη μου, κλπ.
Ἄλλο κύριν πὰ κ' ἔχω κλπ.....
Ἡτό δεῖς με κλπ.....
"Ἄν δῶς σε τὴ μένα μου κλπ.
Ἄλλο μανίτσιν κ' ἔχω κλπ.....
Ἡτό δεῖς με πρωτομάστορα κλπ.....
"Ἄν δῶς σε τὴν κόρη μου κλπ.....
καλύτερον εὐρύβω κλπ.....

Ὁ Μονόγιαννης

Ὁ Γιάννης ὁ Μονόγιαννης, ὁ μαναχόν ὁ Γιάννης,
ὁ Γιάννης ἐπεπέρνιξεν καὶ σὸ πεγάδ' ἐπῆεν.
Ἐχτύπεσεν τὴν μαστραπὴν κι' ἐγνέφιξεν ὁ δράκον,
κι' ἐξέβεν δράκος ἄγγελος καὶ θέλ' νὰ τρώῃ τὸν Γιάννην.
Καλῶς-καλῶς τὸ πρόγεμα μ', καλῶς τὸ δελινάρι μ',
καλῶς ντὸ τρώγω κι' ἀγρυπνῶ καὶ κεῖμαι καὶ κοιμοῦμαι.
"Ἄφες ἐμέ, δράκε, ἄφες ἐμέ, κὰν πέντε-δέκα ἡμέρας,
ὥς πάω ἐλέπω τ' ἐμετέρ' τες, κι' ἔρχουμαι δράκε μ' φᾶ με .

Α) οὐτ' ν' αἰλὶ ἔμέν ν' ἀηλὶ, σὸ κιφάι μ' κᾶτ' λαλεῖ,
ἔμορφον ποῦ θά φιλή, πάντα θά παρακαλῇ.

~~Ἄδανά, ἀνεκᾶ, σὸ καφοῦλ' ὀπλὸ' κενᾶ,
τῇ δεσπότην ἀνεφιδᾶν νᾶ λελεῦ' ἄτεν ἐγώ.~~

Β) Χαί κουτσή λεμόν - λεμόν, τὸ πότ' ο' ἄμον τ' ἔμόν,
παρακαλῶ τὸ θεόν, πάντα νᾶ εἶσαι τ' ἔμόν.

→ Α) Ἄδανά, ἀνεκᾶ, σὸ λειβάδ', σὸ χωράφ', σὸ κουνάκ',
σὸ καφοῦλ' ὀπλὸ' κενᾶ,
τῇ δεσπότην ἀνεφιδᾶν νᾶ λελεῦ' ἄτεν ἐγώ.

Β) Ἄδανά, ἀνεκᾶ, σὸ ἀχερόν', σὸ θεμόν', καὶ σὸ ὀλών',
σὸ καφοῦλ' ὀπλὸ' κενᾶ,
τῇ δεσπότην ἀνεφιδᾶν νᾶ λελεῦ' ἄτεν ἐγώ.